

Kosmo
20/5/16 mls 10



JKSM terima 6,268 permohonan bagi pernikahan remaja Islam bawah umur

Kahwin bawah umur meningkat



KUALA LUMPUR – Jabatan Kehakiman Syariah Malaysia (JKSM) merekodkan sebanyak 6,268 permohonan perkahwinan remaja Islam bawah umur bagi tempoh dari tahun 2010 hingga 2015. Timbalan Menteri Pembangunan Wanita, Keluarga dan Masyarakat, Datuk Azizah Mohd. Dun (**gambar kecil**) berkata, jumlah permohonan menunjukkan peningkatan sebanyak 6.5 peratus pada tahun 2011 dengan 1,045 kes berbanding 2010



(981 kes) dan 4.5 peratus bagi tahun 2012 (1,095 kes).

Katanya, trend permohonan perkahwinan bawah umur menurun antara 0.5 hingga 4.8 peratus mulai tahun 2013 (1,090 kes), 2014 (1,032 kes) dan 2015 (1,025 kes).

“Bagi bukan Islam pula, rekod Jabatan Pendaftaran Negara (JPN) mencatatkan jumlah perkahwinan bawah umur adalah sebanyak 2,775 kes bagi tempoh 2010 hingga 2015.

“Bagaimanapun, berdasarkan bincangan penceraihan hasil perkahwinan muda hanya 0.4 peratus dan kadar ini agak rendah berbanding mereka yang berkahwin pada



KERATAN Kosmo! 13 April 2016.

usia 18 tahun ke atas,” katanya ketika menjawab soalan tambahan Datuk Sapawi Ahmad Wasali (**BN-Sipitang**) pada sidang Dewan Rakyat di sini semalam.

Menurut Azizah, kementerian telah mengambil beberapa langkah dalam menangani isu perkahwinan bawah umur ini seperti mewujudkan Dasar dan Pelan Tindakan Kesihatan Reproduksi Kebangsaan dalam memberi-

kan pendidikan mengenai kesihatan reproduktif serta advokasi dalam kalangan masyarakat.

Tambah beliau, pasukan petugas khas perkahwinan bawah umur di bawah Majlis Penyelaras Perlindungan Kanak-Kanak turut ditubuhkan bagi meneliti isu perkahwinan bawah umur.

“Perkahwinan sebegini mampu memberikan kesan dari segi fizikal dan mental terutama kepada kanak-kanak perempuan.

“Jika mereka belum bersedia (memikul) tanggungjawab berat ini, dikhawatiri ia membuka lebih ruang berlaku perceraian pada usia muda dan masalah sosial lain,” jelasnya.



GAMBAR majlis akad nikah pasangan remaja, Muhd. Muaz Mislán, 15, dan Nur Izzati Amiera Ishak, 17, yang dimuat naik oleh pasangan itu di laman sosial Facebook pada tahun 2014. – Gambar hiasan